

漢魏六朝百三家集

梁
十九人

上司空集

第七十册
六

壽考堂藏板

丘中郎集題詞

南史文學傳首吳興丘氏靈鞠在宋
孝武時獻殷貴妃挽歌特蒙嗟賞希
範於梁王踐祚之日勸進殊禮專典
文字父子曲筆非東南之蹇蹇者也
然靈鞠面折褚彥回語頗強切東觀

祭酒自謂終身不恨仕宦情淺蓬髮
遲鈍無媿名士希範少挫抑卽獻責
躬詩志在求進出守永嘉負乘騰刺
令非武帝憐才爲寢白簡維鵜濡翼
能長有輦帶乎革命諸文連珠唱和
世不多見其最有聲者與陳將軍伯

之一書耳隗囂反背安豐責讓楊廣
附逆伏波曉勸咸出腹心之言示涕
泣之意不能發其順心使之回首獨
希範片紙強將投戈松柏墳墓池臺
愛妾彼雖有情不可謂文章無與其
英靈也鍾仲偉詩評云希範取賤文

通秀於敬子余未唯唯或其時尚循
沈詩任筆之稱遂輕高下耳

婁東張溥題

梁丘希範集目錄

賦

與刺史書

書還林賦

有序

思賢賦

表

爲王博士謝表

爲范尚書拜表

爲范衛軍讓梁臺侍中表

爲何尚書重讓侍中領驍騎表

爲柳僕射讓光祿表

啓

答舉秀才啓

爲范雲謝示毛龜啓

教

永嘉郡教

書

與陳伯之書

銘

硯銘

詠

侍中吏部尚書何府君詠

詩

九日侍宴樂遊苑

侍宴樂遊苑送張徐州應詔詩

且發漁浦潭

夜發密巖口

敬酬柳僕射征怨

答徐侍中爲人贈婦

贈何郎

題琴朴

一作材

奉柳吳興

芳樹

望雪

玉堦春艸

附錄

丘遲本傳

梁丘司空集卷全

梁丘遲希範著

明張溥西銘林閱

賦

還林賦

并序

爰自京師言歸舊嶺今風古轍每動寸衷因事
而書不覺成卷非謂爲文聊記行途所經云爾
太皞弭節祝融聳駕炎鍾汎响青籥靜吹丘子
稅轅畿路總舳川湄褫寬故嶺結夢舊墀揆身

世而載懷、鏡古今而興辭、驗難停於楊轍、昭易
吹于墨絲、匪追舉而辯命、豈適尹而問著、擔簦
無白壁之想、負書靡墨豹之悲、纜解山潮、首顧
京滙、仰絳堞之紛廻、與素津之容裔、荃橈往來、
芟葢經過、依稀子陵之釣、髣髴滄浪之謠、出入
風霞、游息雲露、階伺禽飛、窻高月度、踟躕七教、
徘徊五禮、求翦帶于闕上、長緝巾乎林底、

思賢賦

豈顧問哉、相然信欬、斯則結深念於撫翼、跂雄

飛而但起。知我於財利之間。何足多于鮑子目。
擊而道存。至味其如水。未見其人。吾聞其理矣。
夫子長之託意。耳執鞭於異世。在慈明之慕義。
聊慙馭而追悅。况至德之可師。無兼裘以共弊。
有樂安之任子。偉羣才而稱傑。備百行之高致。
諛九流之洪藝。諒可雜而非染。迹每同而常別。
墻易入而難窺。關無鍵而有閉。思若神而泉湧。
翰如雲而積袂。沉潛於懷抱之間。蕭散於天人。
之際。日下愧其未雙。關西慙於上喆。紛吾既有。

此固陋荷君子之渥惠塵非府而分深葉未移
而好結尋宿草之宴處歷三紀於茲日性有同
於杞梓心獲變於丹漆文何屬而不辯理何疑
而匪質問不休而鐘扣答無窮而座謚

表

爲王博士謝表

臣聞撫臆可以言心量能則知所止是故矯親
魯門簡業事亾雜吹齊雅分聲遽逝臣才行過
污文質無廉踈達謝於谷杜浹洽乖夫劉楊非
除部養之勤豈通掌故之業

爲范尚書拜表

昔滕公移晷於泗亭陳遂留權於博進祿止一
守官窮九列臣獲照秋陽取沃淮海發蒙去玄

已若松喬匪富伊榮。須臾至此。賞泰十亂。窮越五水。歷覽前載。孰與爲匹。

爲范衛軍讓梁臺侍中表

是以懷鉛蚤歲。不以隕穫累心。躡履晚坐。豈以充訕。在念易農。伊泰仕焉。已幸。遂復分竹九嶷。擁旄百越。值天地中開。神武再廓。麻絲是蓄。管蒯靡遺。今霸運肇基。四海明目。樞鍵規獻。實在得人。况處庸微。何用膺荷。

爲何尚書重讓侍中領驍騎表

臣擢自散輦之中，寘彼周行之上。旣慙伯蒙，使天下慎選。又乖平叔，令內外得人。且玉壺獨掌，見榮昌期，當天可叅必簡英俊。

爲柳僕射讓光祿表

竊聞敬孫以規獻爲職，彝品常貴。飛翠鳴玉，升降禁明。臣以疴疾，豈伊或忝匪稱。其服終朝，三褫近取。諸身皎日，非喻臣之庸薄。久塵物論，假以克壯。報効無階，而嬰離沉痼。日月滋甚，聖朝留簪履之舊，慙降帷蓋之餘。矜榮不徒行事，存